



Republika e Kosovës
Republika Kosovo / Republic of Kosovo

Komuna e Rahovecit


Opština Orahovac / Municipality Rahovec

Drejtoria për Bujqësi, Pylltari dhe Zhvillim Rural



Raport i punës

Janar-Shtator 2023



Republika e Kosovës / REPUBLIKA E KOSOVËS
KOMUNA RAHOVEC / OPŠTINA ORAHOVAC
KABINETI I DREJTARIT TË KOMUNËS / KABINETI I DREJTARIT TË KOMUNËS
Nëseja Nr./Bj/No 02/Kabineti i Drejtari të Komunes
Nr./Bj/No 205 Nr. ifaq/Bj/str/No për 18
Data/Date/Date 10 / 9 / 23
RAHOVEC / ORAHOVAC

Përmbajtja

DRETORIA PËR BUQËSI, PYLLTARI DHE ZHVILLIM RURAL 3

Aktivitetet në periudhën: Janar, Shkurt, Mars 3

Aktivitetet në periudhën: Prill, Maj, Qershor 5

Subvencionet 2023 5

Shpërndarja e paisjeve bujqësore 7

Aktivitetet në periudhën: Korrik, Gusht Shtator 7

Shpërndarja e paisjeve bujqësore 8

Festat me karakter bujqësor: Agro festa dhe Hardfest 2023 8

Projektet e investimeve kapitale 9

Rregullimi dhe mirëmbajtja e rrugëve fushore: 9

Kanalet e kullimit..... 10

Pastrimi i përrrenjëve 10

PËRFUNDIM 10

Raport i punës | janar-shtator 2023

DREJTORIA PËR BUJQËSI, PYLLTARI DHE ZHVILLIM RURAL

Bujqësia, Pylltaria dhe Zhvillimi Rural janë sektorët kryesor të cilët mund të kontribuojnë dukshëm në zhvillimin e përgjithshëm ekonomik të vendit.

Komuna e Rahovecit përmes politikave dhe strategjive zhvillimore është orientuar në mbështetje të faktorëve të prodhimit, në stimulimin e fermerëve dhe në krijimin e një ambienti sa më të favorshëm zhvillimor. Këto politika dhe strategji janë duke krijuar mundësi që të arrihet një zhvillim i qëndrueshëm dhe një shfrytëzim shumë më efikas i resurseve natyrore të cilat i posedon komuna jonë.

Fillimi i vitit është karakterizuar me përpilimin e planit të punës për vitin 2023, plani i hartuar është mjaft ambicioz i cili ka ngërthyer në vete aktivite të shumta në kuadër të drejtorisë së bujqësisë. Në kuadër të këtij plani është bërë edhe planifikimi i aktiviteteve, i ndarë në periudha tremujore.

Aktivitetet në periudhën: janar, shkurt, mars

Në kuadër të drejtorisë së BPZHR-së, nga janari janë realizuar një mori aktivitetsesh.

Aktivitetet të cilat kryhen vazhdimisht siq janë pranimi dhe përgjigje ndaj kërkesave të ndryshme nga qytetarët, si dhe shërbime të tjera në kuadër të drejtorisë si: vërtetim për fermer që dëshmon se janë prodhues bujqësorë, NIF, ndërrim i destinimit të tokës bujqësore, vlerësim të dëmeve të shaktuara në sektorin e bujqësisë, si dhe barazimi mujor i të hyrave me Drejtorinë e Financave për muajt Janar, Shkurt dhe Mars etj.

Ndërsa aktivitetet më kryesore paraqiten të specifikuara sipas kohës në të cilën kanë ndodhur.

Ashtu siç e kemi paraparë me planin vjetor të punës, pranimi i aplikacioneve për subvencionim të qumështit për gjashëmujorin e dytë të vitit 2022 për fermerët blegtor (MBPZHR), hap thirrjen për aplikim, Drejtoria e BPZHR-së pranon aplikacionet dhe të njëjtat i dorëzon në Ministri për pagesë. Kjo thirrje ka qenë e hapur nga: 12 janar deri më 10 shkurt 2023.

Gjithësej kanë aplikuar 81 blegtorë, prej të cilëve:

73 blegtorë kanë qenë aplikues vetëm për qumësht/litër sipas kategorive të cilësisë, me rreth 1.862.692 litra

Ndërsa 16 prej tyre kanë aplikuar edhe për viga për majmëri, gjithësej për 278 krerë.



Është bërë pritja e fermerëve në mënyrë individuale apo edhe grupe duke iu dhënë informata lidhur me procesin e kompensimit të dëmeve.

Raport i punës janar-shtator 2023

Gjatë muajit janar si rezultat i fatkeqësive natyrore, kanë ndodhur vërshime në tokat bujqësore si pasojë e prurjeve të mëdha të ujit dhe daljes nga shtreti të lumit Drini i Bardh, kemi pranuar kërkesë për vlerësim të dëmeve, ku pas daljes në terren është përpiluar edhe raporti final.

Kemi pranuar nga MBPZHR-ja listat e fermerëve të dëmtuar nga vërshimet dhe breshëri gjatë vitit 2022, për të cilët ne kemi dërguar dy ankesa, të cilëve ju është aprovuar ankesa, dhe atyre që janë refuzuar.

- Ankesa ju është aprovuar gjithsej 243 fermerëve ne vlerë rreth 1,060,000€
- Ndërsa të refuzuar gjithsej 83 fermerëve në vlerë rreth 254,000€

Kemi përgatitur një ankesë tjetër dhe e kemi dërguar në MBPZHR për fermerët që janë refuzuar të cilët gjithsej janë 83 fermerë në vlerë rreth 254,000€, ankesën e kemi dërguar për fermerët të cilët kanë siguruar dëshmi dhe janë paraqitur në zyrat e DBPZHR-së, mirëpo përmes një emaili nga MBPZHR-ja jemi njoftuar se ankesën që e kemi dërguar për 83 fermerët është refuzuar. Listën me emrat e këtyre fermerëve dhe të dhënat tjera i kemi përcjell te organizata FAO ku kemi kërkuar që të kompensohen fermerët e dëmtuar gjatë muajit janar nga dalja e shterit të lumit Drini i Bardhë si dhe nga erërat e forta, dhe për fermerët e refuzuar nga Komisioni në kuadër të Ministrisë.

Është bërë shpallja e ankandit publik për dhënien e tokës bujqësore komunale me qira, gjithsej 8 për herë të parë dhe 2 të rishpallura. Janë hapur ofertat dhe janë lidhur kontratat me përfituesit e përzgjedhur nga komisioni.

Me 8 mars 2023, në sallën e kuvendit në bashkëpunim me MBPZHR-në dhe IFC-ën është mbajtur sesion informues lidhur me Sigurimet Bujqësore, janë informuar bujqit për produktet që mund ti sigurojnë nga fatkeqësitë natyrore. Në këtë takim komuna e Rahovecit, mori përsipër të mbulojë 15% të primit të sigurimit të produkteve bujqësore.

Vaksinimi nga veterinarit ka filluar në muajin shkurt por ka vazhduar edhe gjatë muajit mars, gjithsej janë vaksinuar rreth 1940 krerë.



Aktivitetet në periudhën: prill, maj, qershor

Ka filluar të zbatohet kontrata “ Trajtim i Qenëve Endacak”, kontrataë e lidhur me veterinarin e licensuar nga AUV do të trajtojë 1 mij qenë në afat prej 3 vitesh.

Organizata “Syri i Vizionit” në bashkëpunim me DBPZHR dhe DEZHT ka mbajtur sesion informues me **03 Maj 2023** (e mërkurë) në salla e Kuvendit Komunal – Rahovec, prej 10:00 deri në 12:00. Ky sesion u mbajt në kuadër të projektit “Gratë dhe personat me aftësi të kufizuara si ndërmarrëse bujqësore në Kosovë” të financuar nga Agjencia Austriake për Zhvillim (ADA) me fondet e Bashkëpunimit Austriak për Zhvillim dhe bashkëfinancuar nga “Brot für die Welt”

Sigurimet bujqësore

Me datën **4 Maj 2023**, në ora 13:00 në Sallën e Kuvendit Komunal, për fermerët të cilët kanë shprehur gatishmërinë për sigurimin e kulturave bujqësore në kompanitë e sigurimit për: vreshta, grurë, misër, fasule, patate etj. Komuna e Rahovecit, ashtu sikurse vitin e kaluar, ka marrur përsipër të mbulojë 15% të vlerës ndërsa 75% subvencionohet nga Ministria e Bujqësisë. Edhe përkundër informimit interesimi i fermerëve ishte shumë i vogël për pjesëmarrje.

Subvencionet 2023

Aplikimi për subvencionet në sipërfaqe ka filluar me datë **17.03.2023** dhe ka mbaruar me datë **14.04.2023**.

Ne si drejtori e BPZHR-së jemi angazhuar të mobilizohemi me zyrat në Krushë të Madhe dhe Ratkoc ashtu sikurse edhe vitet e kaluara që fermerët e disa vendbanimeve të mos krijojnë fluks të madh në zyrat e DBPZHR-së në Rahovec, por aplikimin të kenë mundësi ta kryejnë edhe në këto dy qendra të mëdha poashtu kemi bërë kërkesë për hapjen e userave për zyrtarët të cilët kanë pranuar aplikacione të bujqëve.

Numri total i fermerëve që kanë aplikuar për vitin 2023 është **3,119** ku krahasuar me vitin 2022 kemi **141** aplikacione më shumë.

Pas përfundimit të procesit të aplikimit, zyrtarët e angazhuar e kanë bërë kontrollimin e secilës dosje dhe të njejtat janë dorëzuar në AZHB (Agjencioni për Zhvillimin e Bujqësisë).

Sikurse në vitet e kaluara pas përfundimit të procesit dhe dorëzimit të aplikacioneve në AZHB, në kuadër të drejtorisë së Bujqësisë bëhet regjistrimi i të dhënave të fermerëve që kanë aplikuar për secilën kulturë bujqësore. Këto të dhëna më pastaj përllogariten, analizohen dhe krahasohen me vitet paraprake.

Në tabelat dhe grafikonet më poshtë janë paraqitur të dhënat sipas sektorëve të shprehura në sipërfaqe (ha) si dhe në vlera monetare (€) që nënkupton se komuna e Rahovecit do të përfitoj mbi **5,7** milion euro në vitin 2023, rreth **270,818 €** më shumë se në vitin 2022.

Raport i punës | janar-shtator 2023

Tabela 1. Të dhënat sipas aplikacioneve të fermerëve dhe diferenca mes vitit 2022/2023 të shprehura në Siperfaqe

VITET	Lloji	Nj. Matëse	2022 Sip ose Nr.	2023 Sip ose Nr.
Sektorët	Dritërat	ha	3,711.24	4,768.34
	Grurë - KG	kg	0.00	0.00
	Rrush	ha	2,322.21	2,274.57
Sektor i Vreshtarisë	Verë	Liër	7,274,876.45	7,654,411.00
	Fidane të hardhisë	copë	149,900.00	
	Perime	ha	1,213.94	1,114.97
Sektor i Perimkulturës	Kungullore	ha	579.58	423.16
Sektor i Pemtarisë	Bletë	ha	165.23	194.31
	Lopë	koshere	4,245.00	4,793.00
	Dhi	krerë	1,938.00	1,953.00
Sektor i Blegtorisë dhe shpezëtarisë	Dhi	krerë	248.00	167.00
	Dele	krerë	7,226.00	7,396.00
	Pula vojëse	copë	59,100.00	60,260.00
Bimë Mjekësore dhe Aromatike - BMA			16.51	8.54
Perime ne Serra		ha	24.26	27.21

Tabela 3. Të dhënat sipas aplikacioneve të fermerëve dhe diferenca mes vitit 2022/2023 të shprehura në EURO

VITET		2022	2023	Diferenca
Sektorët		Vlera në €	Vlera në €	Vlera në €
Sektor i Lavëtarisë	Dritërat	1,255,391.96 €	1,627,232.86 €	371,840.90 €
	Grurë - KG	0.00 €		0.00 €
	Rrush	2,447,609.34 €	2,397,396.78 €	-50,212.56 €
Sektor i Vreshtarisë	Verë	290,995.06 €	290,995.06 €	0.00 €
	Fidane të hardhisë	22,485.00 €	18,600.00 €	-3,885.00 €
	Perime	689,203.76 €	636,805.38 €	-52,398.38 €
Sektor i Perimkulturës	Kungullore	210,956.32 €	175,984.14 €	-34,972.18 €
Sektor i Pemtarisë	Bletë	74,353.50 €	97,932.24 €	23,578.74 €
	Lopë	84,900.00 €	95,860.00 €	10,960.00 €
	Dhi	174,420.00 €	175,770.00 €	1,350.00 €
Sektor i Blegtorisë dhe shpezëtarisë	Dhi	6,200.00 €	4,175.00 €	-2,025.00 €
	Dele	180,650.00 €	184,900.00 €	4,250.00 €
	Pula vojëse	27,339.66 €	30,130.00 €	2,790.34 €
Bimë Mjekësore dhe Aromatike - BMA		7,429.50 €	4,304.16 €	-3,125.34 €
Perime ne Serra		21,931.04 €	24,597.84 €	2,666.80 €
Gjithsej		5,493,865.14 €	5,764,683.46 €	270,818.32 €

Raport i punës | janar-shtator 2023

Shpërndarja e paisjeve bujqësore

Më 28.04.2023 është bërë shpërndarja e 42 pllugjeve 5 brazëshe

Më 06.06.2023 është bërë shpërndarja e 149 motokultivatorëve dhe 5 pllugjëve 5 brazësh



Aktivitetet në periudhën: korrik, gusht, shtator

Kushtet atmosferike edhe në këtë periudhë kohore nuk kanë qenë të favorshme për bujqësin në komunën tonë. Përsëri kemi pranuar kërkesa për vlerësim të dëmeve në kultura bujqësore, të dëmtuara nga breshëri, erërat e forta dhe vërshimet, gjithsej 393 kërkesa, ku është formuar komision profesional me nr. të prot. 942 të datës 04.07.2023, për vlerësim të këtyre dëmeve të kulturave bujqësore.

Është formuar shtabi komunal për korje – shirjet e vitit 2023, me nr. prot. 951, të datës 05.07.2023, i cili e ka përcjellur vazhdimisht procesin e korje shirjeve, dhe ka hartuar një raport përfundimtar sipas të cilit këtë vit rendimenti i grurit është më i ulët për shkak të kushteve jo të mira klimatike. Sipërfaqet e korrura me grurë janë rreth 2.650 -2.690 ha ndërsa rendimenti mesatar i grurit është rreth 3.500 – 4500 kg/ha.

Vazhdimisht kemi qenë në kontakt me AZHB, për lëndë të subvencioneve, për plotësime, përmirësime si dhe dorëzimi i tyre në AZHB.

Ministria e Bujqësisë ka hapur thirrje për pranim të aplikacioneve për subvencionim të litrës së qumështit për gjashtëmujorin e parë të vitit 2023 për fermerët blegtor. Drejtoria e BPZHR-së pranon ka pranuar aplikacionet e fermerëve dhe të njëjtat i dorëzon në Ministri për pagesë. Kjo thirrje ka qenë e hapur nga: 18 korrik deri më 18 gusht.

Raport i punës | janar-shtator 2023

Gjithsej kanë aplikuar **113** blegtor për qumësht dhe vëq për majmëri, me gjithsej **2.010.439** litra qumësht.

- **81** aplikues për qumësht
- **32** për vëq.
- **16** për sigurime bujqësore.

Gajtë kësaj periudhe është kryer aplikimi për kilogram të grurit të dorëzuar në Mullinj dhe për faturat e plehut artificial , thirrja për aplikim ka qenë e hapur nga **15 gusht** deri më **15 shtator**, gjithsej kanë aplikuar rreth **861** fermerë.

Më **13 shtator 2023**, pas një angazhimi rreth mundësisë së kompensimit të dëmeve për fermer, u mbajt ceremonia solemne e shpërndarjes së kuponëve nga organizata FAO, për fermerët të dëmtuar nga fatkeqësitë natyrore, vërshimet dhe erërat e forta në janar të këtij viti, gjithsej kanë përfutur **91** fermerë. Këta kuponë kishin vlerën e **300€** dhe do t’ju mundësojnë fermerëve të blejnë inpute të domosdoshme për fermat e tyre, si farë, pleh, vegla pune, aparate ujtimeje, pjesë rezervë dhe mallra të tjera të domosdoshme sipas nevojave të tyre

Shpërndarja e paisjeve bujqësore

Komisioni për ankesa i ka shqyrtuar ankesat e fermerëve për motokultivatore, ka publikuar listën , është kryer participimi **20%** i pagesës dhe nënshkrimi i kontratave, dhe me datë **14.07.2023** është bërë shpërndarja e **61** motokultivatoreve.

Poashtu në muajin Gusht është bërë shpërndarja e paisjeve bujqësore- Freza, gjithësej **25**.



Festat me karakter bujqësor: Agrofesti dhe Hardfest 2023


Gjatë muajve Gusht dhe Shtator është bërë organizimi i festave me karakter bujqësor si Agrofesti dhe festa e vjeljes së rrushit- Hardfest

Raport i punës janar-shtator 2023

Agrofestës është mbajtur me 5 dhe 6 Gusht, në Krushë të Madhe, ku janë promovuar prodhimet bujqësore, produktet e ndryshme bujqësore, ushqimet tradicionale etj.



Hardfest është mbajtur me 1,2 dhe 3 Shtator në Rahovec, ku janë zhvilluar shumë aktivitete dhe ka pasur vizitor nga vende të ndryshme.



Projektet e investimeve kapitale

Rregullimi dhe mirëmbajtja e rrugëve fushore:

lot 1 – Edhe ne kete periudhe kanë vazhduar punimet në Krushë të Madhe në segmentin Vija e Rrasës që i lidhë rrugët Udhë Bjeshke dhe Udhë Perove. Poashtu punimet janë kryer në rrugën “Udhë Nallj”

lot 2- Pas përmirësimit të kushteve atmosferike kanë rifilluar punimet, është punuar në fshati fshatin Guri i Kuq, konkretisht në rrugën që lidh dy vendbanime Gur i Kuq-Polluzhë si dhenjë segment brenda fshatit.

lot 3. Punimet janë kryher në qytetin e Rahovecit, konkretisht në vendin e quajtur Sejan, ku janë rregulluar rrugët vreshtarë

lot 4. Ka vazhduar mirëmbajtja nëpër lokacione të ndryshme si në përmirësimin e rrugëve poashtu edhe në vendosjen e lëshesave sipas kërkesave të fermerëve të komunës sonë.

Kanalet e kullimit

Kanali i Kullimit në Ratkoc – kanë vazhduar punimet në ndërtimin e kanalit në Ratkoc, në segmentin e dytë në pjesën e sipërme, poashtu janë ndërtuar edhe lëshesa pllakore që kanë mundësuar qasje të bujqëve në pronat e tyre.

Kanali i Kullimit nga Shtavica deri ne Fortese- Janë duke vazhduar punimet në ndërtimin e kanalit, deri më tani me betonim janë kryer rreth 3,000 m. Ka përfunduar edhe ndërtimi i urës së katërt e po vazhdon ndërtimi i kanalit në pastrim të hapësirës dhe ndërtim të skarpateve.

Kanali i Kullimit ne Qifllak- Po vazhdojnë punimet ne këtë projekt aktualisht është duke u punuar ne ndërtimin e Urës kryesore qe lidh territorin e fshatit Qifllak dhe Dobidol

Kanali i Kullimit Fortesë – Celinë – punimet janë duke vazhduar në instalimin e gypave 160 të drenazhes në segmentin e tretë

Pastrimi i përrrenjëve

Si rezultat i reshjeve të vazhdueshme dhe vërshimeve që na janë shfaqur viteve të fundit kemi lidhur kontratë për pastrimin e përrrenjëve në tërë territorin e komunës sonë. Punimet janë zhvilluar në zonat më të ndjeshme dhe që janë më të rrezikuara në Fortesë, Celinë, Krushë e Madhe, Ratkoc, Vrajakë etj.

Është punuar në hapjen dhe pastrimi i përroit “ Bellaja”, nga hekurudha deri në magjistrale Prizren-Gjakovë dhe kanë vazhduar deri te lumi Drini i Bardhë me gjatësi rreth 3 km, kanë përfunduar punimet në përroin e fshatit Celinë me gjatësi 1.1 km, është punuar edhe në pastrimin e përroit nga Ratkoci në drejtim të fshatit Vrajakë me gjatësi 850 m. Intervenime janë bërë edhe në pastrimin e përroit në fshatin Zoqisht, nagaç si dhe lumit Rimmik nga Rr. Rahovec – Xërxë në drejtim të vendit të quajtur Maqina.

PËRFUNDIM

Ky raport përmbledhës paraqet thekset kryesore të aktiviteteve që kanë ndodhur gjatë kësaj periudhe raportuese.

Kontakti me qytetarët dhe me grupet e interesit për të trajtuar dhe zgjidhur së bashku kërkesa, nevoja dhe interesat të tyre, është i vazhdueshëm. Zyrtarët e DBPZHR-së vazhdimisht janë në terren duke takuar fermerë në sektor të ndryshëm dhe duke iu ofruar këshilla të nevojshme rreth aktiviteteve agroteknike nëpër fermat e tyre.

Zyrtarët kanë qenë të gatshëm për çdo vlerësim dëmi me të cilët fermerët e komunës sonë ballafaqohen, ata dalin në terren në qdo fatkeqësi natyrore që ndodh dhe dëmton kulturat bujqësore.

Raport i punës | Janar-shtator 2023

Kemi krijuar raporte të mira me OJQ-të, me grupe të ndryshme, profesionistë të fushave, me theks të veçantë inxhinier të bujqësisë ku kemi pranuar këshilla, vërejtje dhe ide në mënyrë që të përmirësohemi dhe të zhvillojmë bujqësinë përditë e më mirë.

18.09.2023

DREJTORI I DBPZHR-së

Rahovec

Berat Duraku